

Mai 8

[circum nosque forata]

1/

Mai 10

Mai 17

et Bononienses Imolam per III septimanas die VIII intrante Madio obsederunt, eam in vineis, arboribus et segetibus a septimo miliario cum curia dicti castrum devastantes hostiliter. Quomodo autem Bononienses dictum episcopum Ma.¹ Sancti Cassiani, qui nos et eos in tantum offenderant [a], tractaverint [b], sermo declarabit inferius. Destruxerunt enim penitus dicti Bononienses castra et loca dicti episcopi, videlicet castrum [A] Bagnariae et Caput Silicis [c] [B] flamma combusserunt ultrici [d], ac postea destruxerunt hostiliter. Decima vero die dicti mensis pars Faventinorum cum hostibus in loco vocato Rivalta sunt praeliati, eos capiendo, prosternendo et persequendo fere usque fornaces. Die vero V exeunte Madio Bononienses quidam [e] viri fortes, apud Sanctae Christine [C] portam cum hostibus praelium habuere, igne opposito [f] in domibus burgi, ubi deterius habuerunt, quam hostibus intulissent. Quo Faventini viso, subito armis assumptis, tamquam recentes ad arma parati, et tantis amicis volentes succurrere, usque ad portam de Aldrovandis et ad portam Spilliam et ad portam Silicis, nullo obstante obstaculo, cucurrerunt audacissime. At ubi cum Imolenses intellexissent, quod Faventini ad dictas portas jam essent etiam parati, relictis Bononiensibus ad nos cucurrerunt; et sic ab eis sunt separati libenter.

Praelium apud rivum Coricli.

CAP. CLXXI.

Eodem anno Bononienses in vigilia Sancti Apollinaris, cum more solito equitassent usque Fraxenum eorum castrum, et hoc Imolenses audissent, armis assumptis, ultra rivum Coricli [g] [D] summa vi, nullo alio expectante [h], sunt persecuti, et cum eis bello peracto fortissimo a media tertia usque ad horam nonam, tandem vertuntur in fugam. Qui erant extremi perierunt in ore gladii [i]. Multi ex eis plagis et aestu et siti sunt rapti de medio. Plures quam nonaginti fuerunt in vinculis mancipati [j], eos occidendo, prosternendo, capiendo et persequendo usque Sanctum Eustasium [E].

[a] in tantum offenderant. Sic Codd.; lege: offenderat. — [b] tractaverint. Sic lego. Tractaverunt, C. V.; tractavere, Cl. Mitt. — [c] Caput Silicis. Sic lego. An campum Silicis legendum? Cl. Mitt. legit: campi Silicis; Cod. V., Cap. a Silicis. In C. M., Cap. Silicis. Tondutius vertit Caposelice. Et, addidi. — [d] combusserunt ultrici, C. V.; combuxerunt ultrici, C. M. — [e] Bononienses quidam. Sic lego cum C. V.; quasi Bononienses, Cl. Mitt. — [f] igne opposito. Sic Codd. — [g] ultra rivum Coricli, C. V. ut etiam in titulo. Sed hic C. M. habet; Coericii. Tondutius legit Cericii, ac vertit cerchia; oblitus forsitan tunc temporis circlam vocari consuesse la cerchia, non cerictum. — [h] nullo alio expectante. Sic Codd. Num legendum est, nullum alium expectantes, aut nullo illud expectante? — [i] in ore gladii, C. V.; in hore gladii, C. M. — [j] in vinculis mancipati. Sic Codd.

[A] Bagnariae. Nunc Bagnara, oppidulum, sive castrum dioecesis Imolensis subter viam Aemiliam, quatuor vel quinque milliariis ab urbe Forocorneliensi.

[B] Caput Silicis legendum esse docet charta ann. 1160, in qua nominatur ecclesia Sancti Patritii in Capite Silicis, in territorio Imolensi. Extat in Caps. I, 4127, Archiv. Archiep. Rav.

[C] Tondutius hanc portam perperam vocat Sanctae Iustinae.

[D] Rivum Coricli prope Massam Lombardam esse advertit Cl. Mitt.

[E] Alibi notavimus Sanctum Eustasium esse idem ac Moredanum, castrum quod distat ab urbe Imolensi milliariis quinque ad septemtrionem.